


钦察汗国

元代子部書 三卷

元

代

史料刊
史叢
初編



黃山書社

元代子部書 三卷

元

代

史料
叢刊
初編

黃山書社

欽定四庫全書

古今事文類聚新集卷二十

元 富大用 撰

諸院部

翰林院

歷代沿革唐翰林故事翰林院左右銀臺門內麟德殿
西重廊之後蓋天下藝能伎術見召者之所處學士
院開元二十六年置在翰林院之南別戶向東前代

欽定四庫全書

即無舊名貞觀中虞世南等以弘文館學士會於禁
中內參謀猷號十八學士其後永徽中黃門侍郎顧
琮有麗正之稱開元初中書令張說又有集賢之目
未有典司玄宗以四隩大同萬樞委積詔勅文誥悉
由中書或慮當劇而不周務速而時滯宜有偏掌由
是始選朝官有詞藝學識者入居翰林供奉別旨然
亦未定名制至二十六年始以翰林供奉改稱學士
由是遂別建學士院俾掌內命至德以後軍國務殷

其入直者並以文詞共掌詔敕自此北翰林院始兼
學士之名其後又置東翰林院於金鑾殿之西隨上
所在而遷取其便近五代晉高祖天福五年詔翰林
學士院公事並歸中書舍人少帝開運元年勅翰林
學士與中書舍人分為兩制各置六員宋學士院在
樞密宣徽院之北表裏深嚴宥密又謂之北扉在浴
堂之南便於應詔至和三年詔學士院從官兩員掌
專一管勾編錄國朝以來所撰制詔文字元翰林院

欽定四庫全書

古今事文類聚 古今事文類聚新集

置翰林學士承旨及翰林學士侍讀侍講二學士有直學士翰林待制翰林修撰應奉翰林文字等官掌制撰詞命之事凡應奉文字自翰林學士承旨至直學士銜內帶知制詔應奉銜內帶同知制詔

羣書要語翰林樞機宥密之地

李肇翰林志

清華之地

太宗賜蘇

易簡御札

北院之置尤為切近左接寢殿右瞻彤樓晨趨鎖

闈夕宿嚴衛密之至也

韋執誼翰林故事

鏐鑿得御廐之駿出

入有內司之導豐殺潔饍取給大官衾裯服御資於中

庫恩之厚也同上備待顧問辯駁是非典持縑牘受遣羣

務凡一世得失動為臧否職之重也並同上若乃職任之

清切曹局之嚴凝禮遇優渥賜與繁縟金坡故事發揮大猷

藻繪上命隻簡片削可以動乎人神翰林故事居翰苑者皆

謂凌玉清遡紫霄豈止於登瀛洲哉李肇志玉署之設密

邇紫闈每夜漏既上宮鑰並入有大號令大除拜邊境

急奏惟天子與學士知之雖戴鶡之士充滿于廬典司

翰墨一人而已居是職者豈不貴重乎金坡遺事鼎新大壯

欽定四庫全書

古今事文類聚 古今事文類聚新集

敞金馬之直廬

同上

矧惟翰墨之司專掌絲綸之命

翰林志後

唐學士

劉昫奏

詩句晨趨紫禁中夕待金門詔

李白

上君白玉堂倚君金

華省

杜

君王曉坐金鑾殿只待相如草詔來

李商隱

銀花

懸院榜神撼引風鈴

李德裕

月上花塲簾捲後柳遮鈴索

雨晴初

錢若水玉堂作

詔出紫泥封去潤朝回蓮燭賜來香

楊徽

之玉

漫道玉為堂玉堂今夜長

張洙詩

古今事實

移殿鑿坡

唐制駕在大內則明福門外置學士院駕在興慶宮則金明門內置院德宗移院於金鑿坡

召見金鑿

唐玄宗召李白見於金鑿殿降輦步迎如見園綺

李白傳

並用白麻

唐故事中書用黃白二麻為綸命重輕之辨其後翰林學士專掌內命選用益重中書所出獨得用黃麻其白

欽定四庫全書

古今事文類聚 一 古今事文類聚新集

麻皆在北院自非國之重事拜授將相德音赦宥不得

由於斯

翰林志

又元和初凡赦書德音立后建儲大討誅

拜免三公宰相命將曰制書並用白麻不用印

會要

皆用菱紙

李德裕浸紅點書詔皆用菱汁拭紙

海錄碎事

詔賜金印

晉開運中賜學士院書詔金印一面

翰林志

親擇賜笏

李絳初入院憲宗親擇笏以賜之

居一品上

唐故事凡內宴班居一品之上

謂一條冰

陳彭年兼數職皆文翰清祕之目人見其官銜謂為一

條冰

事畧

時號內相

陸贄入翰林年尚少以材幸天子常以輩行呼不以名

雖外有宰相主大議而誓常居中參裁可否時號內相

白氏

六帖

宣諭門客

唐武后朝會宣諭卿等是我門客

李衛公詩話

論當世事

李白召見金鑾殿論當世事奏頌一篇有詔供奉翰林

謫天上仙

李白以翰林斥去放浪江湖嘗夜月乘舟采石達金陵

白衣宮錦袍於舟中顧瞻笑傲旁若無人初賀知章見
白賞之曰此天上謫仙人也

號稱六絕

唐李邕號翰林六絕謂文章書翰等六事過人

唐志

號試五題

長興元年翰林學士劉昫奏本院舊例學士入院除中
書舍人不試餘皆試麻制答蕃書批答各一道詩賦各

一首號曰試五題

續通典

欽定四庫全書

古今事文類聚 一 古今事文類聚新集

不受謝金

寶曆元年路隨為翰林學士有以金帛謝除制者必叱而去之曰吾以公事接私財邪終無所納

續通典

何以潤筆

草麻潤筆自唐有之鄭譯自隆州刺史復爵李德林作詔高宗戲之曰筆頭乾譯曰出為方伯杖策而歸不得一錢何以潤筆

書玉堂署

宋太宗以玉堂之設其來尚矣但虛傳其號而無正名
乃於紅綃上御書飛白四字題曰玉堂之署以賜蘇易
簡公捧歸私第以慶耀其親擇日懸掛仍具扁鐫于玉
堂之上自待詔院吏而下咸列賀于庭公曰自唐置學
士來幾三百年今日方知貴矣即日詔宰輔暨兩制詞
臣就院勅設宴帳仍各賦長韻詩以紀其事其詩目曰
禁林讌會集

榜摘文堂

欽定四庫全書

古今事文類聚 一 古今事文類聚新集

政和五年御書摘文堂榜賜學士院

續會要

賜青團扇

唐翰林初選者試制書批答三首內庫給青綺被紫絲

履之類端午賜青團扇

並翰林志

賜錦長襖

學士舊規十月賜錦長襖宋初以來賜翠毛錦太宗改

賜黃盤鷓錦

金坡遺事

給綺綾被

凡初遷者本院賜宴營幕使宿設帳幄尚食使供珍饌
酒坊供美酒是為勅設宴賜衣內殿給青綺綾被青綾
單帕紫絲履白布手巾之類

蘇續志

賜紅錦袍

十月朔舊賜對衣紅錦袍淳化二年代以細花盤鵬錦

袍下丞相一等

蘇續志

素號槐廳

學士院第三廳閣子有一巨槐素號槐廳舊傳居此閣